

Magpa-Bautismo

Aron Maluwas



Kana maoy usa ka pangutanang dali hataga'g tubag ni bisan kinsa nga adunay kasinatian sa tradisyonal nga Cristianismo. Apan tukma kaha sa Biblia ang naandan nang gitudlo ug gituohang mga paagi sa pagbautismo?

Nganong bautismohan man ang usa ka motuo kang Cristo? Kinsa man ang angayan bautismohan? Ang batang wala pa'y almag kinahanglan na bang magpabautismo?

Milyon-milyon ang nagsagop sa tinuohang Cristianismo, apan makalibog hunahunaon nga sa kapin sa upat ka gatos ka mga denominasyon niini, nagkalain-lain ang ilang mga doktrinang gipatuman mahitungod sa pagpabautismo.

Unsa man ang tudlo sa Biblia? Kinahanglan bang magpabautismo aron maluwas? Unsa man ang mga tulumanon aron makaseguro kitang nauyon sa mga pulong sa Dios ang pagpabautismo?

Kon nabunyagan ka na ba, sa imong paminaw hingpit na ang imong mga lakang paingon sa kaluwasan?

Kinahanglan tin-aw ang mga tubag sa nahaunang mga pangutana kay ang

pagpabautismo usa ka importanteng doktrina sa Cristianismo.

Busa atong sutaon ang kamatuoran gikan sa Biblia kay si Cristo ra ba aduna'y makapakugang nga pasidaan. Ingon Niya, "Pagbantay kamo ug ayaw kamo palimbong ni bisan kinsa, kay sa akong ngalan daghang tawo ang moanhi nga mag-ingon, 'Ako ang Mesiyas' ug daghan ang malimbongan...Unya daghang mini nga mga propeta manungha ug daghan ang malimbongan nila." (Mateo 24:4, 11)

Ang Nagkalainlaing Panan-aw

May mga simbahang nagbautismo sa mga bata o mga masuso pa gani pinaagi sa pagbisbis ug tubig sa ulo niini. Giila ba sa Dios kining pagbautismoha?

Aduna usa'y uban nga ilusbog sa may hustong giladmong tubig ang tibuok lawas sa gibautismohan. May nagtudlo usab nga kon ang pagbautismo wala himoa didto sa nagdagan nga tubig sama sa suba, dili kini aprobado sa langit. Aduna usa'y nagtuo nga dili na kinahanglan magpabautismo basta hingpit lang ang pagtuo sa Ginoo.

May mga simbahan nga dili magbautismo kon wala pa sa hustong pangedaron ang magpabautismo.

Unsa man ang kamatuoran? Aduna ba'y tukmang pamaagi nga gilamid ang Biblia sa

pagpabautismo?

Paagi sa Pagbautismo?

Ang pulong nga bautismo o baptize sa ingles nagagikan sa pinulongang Griego nga *baptizo*. Ang buot lang ipasabot niini nga tabunan sa pluwido (sama sa tubig) ang tibuok lawas. Pareho lang sa paglunod sa usa ka butang diin segurohong mabasa' ang kinatibuk-an niini, ingon pananglit sa pagtina ug panapton. Walay bahin nga magpabiling uga kay gituslob ang tanan usa' pa kini haw-ason.

Atong mabasa nga si Juan Bautista nagbautismo sa suba sa Jordan. Nganong didto man? Tubag sa Biblia: "Namunyag usab si Juan didto sa Enon, dili layo sa Salim, kay daghan mag tubig didto. Nangadto kaniya ang mga tawo ug sila gipamunyagan niya. (Juan 3:23)

Nganong kinahanglan man ang daghang tubig kon bisbisan lang sa ulo ang pagbunyag? Dili ba usa ra ka tasa ang kinahanglan unya pwedena?

Ania pay laing pagpamatuod nga kinahanglang ilusbog ang tibuok lawas sa pagbunyag: "Wala madugay miabot si Jesus gikan sa Nazaret, sa lalawigan sa Galilea ug gibunyagan siya ni Juan didto sa suba sa Jordan. Sa PAGHAW-AS gikan sa tubig ni Jesus..." (Marcos 1:9-10).

Dugang pang testimonya: Sa pagkahuman ayod ug bunyag kang Jesus, MIHAW-AS Siya

sa tubig. (Mateo 3:16)

Dili kinahanglan nga mohaw-as kon ang gamiton sa pagbunyag usa ra ka kabo nga tubig!

Dakong suba ang Jordan ug didto nagbautismo si Juan. Tin-aw sa mga pananglitang atong nabasa sa Biblia nga kinahanglan enterong ilusbog (complete immersion) sa tubig ang tibuok lawas kon magpabautismo.

Kasugoan ba ang Pagpabunyag?

Si apostol Pedro nagpahinumdom sa mga Cristianos nga, “Gitawag kamo sa Dios aron mag-antos, kay si Cristo nag-antos man tungod kaninyo ug naghatag kaninyog PANIG-INGNAN aron inyong sundon.” (1 Pedro 2:21)

Si Jesus nga maoy giilang pundasyon sa Kristianismo naghatag ug pananglitan aron sundon sa mga buot mahingpit ang pagka-Cristiano.

Ato nang nabasa ang mga garayng nagbutyag nga si Cristo nagpabautismo.

Ang kinatibuk-ang insidente gipahayag ni Mateo: Unya miadto si Jesus sa Jordan gikan sa Galilea aron magpabunyag ni Juan.

Apan dili unta mobunyag kaniya si Juan. Siya miingon, “Ako ang angay mong bunyagan, apan nganong ako na man hinuon ang magbunyag kanimo?”

Apan gitubag siya ni Jesus, “Pasagdi lang nga mahitabo kini, kay niining paagiha makatuman kita sa tanan nga gisugo sa Dios.” Busa miuyon si Juan. Sa pagkahuman gayod ug bunyag kang Jesus, mihaw-as Siya sa tubig. Unya naabli ang langit ug nakita niya ang Espiritu sa Dios nga mikunsad daw salampati nga mitugdon kaniya.

Ug unya may tingog gikan sa langit nga nag-ingon, “Kini mao ang pinangga kong Anak nga nakalipay kanako pag-ayo.” (Mateo 3:13-17)

Ang pagpabautismo diay usa ka paagi aron makatuman kita sa tanan nga gisugo sa Dios!

Kinahanglan diay nga ang usa ka magtutuo ni Cristo magpabautismo. Kinahanglan diayng hataga'g kalig-onan ang pagtuo sa Dios pinaagi sa pagpabautismo. Mismo si Cristo ang nagsulting ang pagpabautismo pagtuman sa kasugoan.

Si Jesus wala makasala (1 Pedro 2:22). Apan nagpabautismo siya aron “pagtuman sa tanang gisugo sa Dios” ug naghatag pananglitan aron atong pagasundogon.

Usa lang ka Bautismo

Sa dihang nakadawat na sa gasa sa Espiritu Santo ang mga apostoles niadtong talagsaong Adlaw sa Pentecostes (Buhat 2:4), usa ka nagdilaab sa kadasig nga sermon ang gihatag ni apostol Pedro.

Dinhi iyang gipamatud-an ang pagkabanhaw

ni Jesus ug sa Iyang pagka-Mesiyas ug pagka-Manunubos.

Walay kahadlok niyang gisudyaan ang mga Hudeo nga wala pay duha ka bulan ang milabay nga diin gipugos nila si Pilato nga silotan sa kamatayon si Cristo.

“Patya siya, si Barabas maoy buhii. Ilansang siya sa krus! Ilansang siya sa krus! Ilansang siya! Patya siya! Patya!

Ilansang sa krus!” (Mateo 27:20, 23; Lucas 23:18-24; Juan 19:6,15) Kadto ang nagkahiusang singgit sa mga Hudeo nga gipanguhan sa Labawng Sacerdote aron patyon si Jesus.

Pagkatapos sa walay katalawng wali ni Pedro, gibatig kangutngot sa tanlag ang mga naminaw ug gipangutana nila si Pedro ug ubang mga apostoles: “Mga igsoon unsa may among buhaton?” Unya mitubag si Pedro kanila, “Ang tagsatagsa kaninyo kinahanglan **MAG-HINULSOL**, ug **MAG-PABUNYAG** sa ngalan ni Jesu-Cristo aron pasayloon ang inyong mga sala, ug **MADAWAT NINYO** ang **GASA** sa Dios nga mao ang Espiritu Santo.” (Mga Buhat 2:37-38)

“Nagpasidaan si Pedro kanila ug miagda nga nag-ingon, “Luwasa ninyo ang inyong kaugalingon sa umaabot nga mga silot nga ipahamtang niining daotang henerasyon!” Daghan kanila mituo sa iyang mensahe ug nagpabunyag.

Mga 3,000 ka tawo ang nahidugang sa pundok sa mga magtutuo niadtong adlaw. (Mga Buhat 2:40-41)

Atong nakita nga ang nahaunang mga tinunan gibunyagan diha-diha human sila maghinulsol sa ilang mga sala. Sa unsa, ug pila man ka paagi ang pagbunyag?

Si Pablo nag-ingon; “May usa lamang ka lawas ug usa ka Espiritu, ingon nga may usa lamang ka paglaom ug alang niini gitawag kamo sa Dios. May usa lamang ka Ginoo, usa ka pagtuo, ug usa ka bunyag; may usa lamang ka Dios ug Amahan sa tanang tawo, nga mao ang labaw sa tanan ug nagbuhat pinaagi sa tanan ug anaa sa tanan.” (Efeso 4:4-6)

Hinumdomi, usa lang ka bunyag. Usa ka nag-inusarang paagi sa pagbunyag. Usa ka insaktong paagi sumala sa Biblia. Dili nagkalain-laing paagi sa pagbautismo ang aprobado sa Ginoo.

Aduna Siya'y pahimangno sa hustong pamaagi. Busa ang mga pagpabunyag nga dili pinasikad sa pahimangno sa Biblia walay epekto, mini ug invalido sa-kon sundon ang pulong sa Ginoo!

Maorag gil-as kaayong paminawon ang kamatuoran, ilabi na sa mga nagpadayon pa sa mga naandang tradisyong gisagop lang nga wala hatagi'g balanseng panghunahuna ang mga tinohoang gidawat na lang nga walay pupangutana.

Ang Kondisyon sa Pagbautismo

Seguro imong namatikdan nga dunay gisulting kondisyon si Pedro usa' pa magpabunyag. Atong balikon ug kadiyot ang versiculo.

Matud niya; “Ang tagsatagsa kaninyo kinahanglan maghinulsol, ug magpabunyag sa ngalan ni Jesu-Cristo aron pasayloon ang inyong mga sala, ug madawat ninyo ang gasa sa Dios nga mao ang Espiritu Santo.” (Mga Buhat 2:37-38)

Duna diay mga procesong sundon ang pagpabautismo. Ang unang himoon sa mga gustong magpabautismo mao ang paghinulsol. Unsang klasehang paghinulsol ang kinahanglan?

Kadaghanan nagtuo nga kon aduna kay pagmahay sa mga butang nga imong nahimo nga maoy hinungdan sa usa ka kahimtang nga wala na magkadima-o, paghinulsol na kini. Way kalainan kini sa kanunayng nagmasulobon gumikan seguro sa patigayon nga kanunay alkanse o nabangkarote. Ug di ba kaha napakyas sa gugma, unya nawad-an ug paglaom, ug kanunayng naghilak ug nagdangoyngoy sa hilom sa gibating kalooy sa iyang kaugalingon.

Mao ba kini ang paghinulsol nga giingon ni Pedro sa Mga Buhat 2:38? Dili seguro, tungod kay kadaghanan sa ingon nianang klaseha sa

paghinulsol walay kasegurohan nga mapaduol sa Ginoo. Kalibotanong paghinulsol ang tawag niana sa Biblia!

Ang Diosnong Paghinulsol

Si apostol Pablo may pahayag: “Kay ang kasubo nga gikan sa Dios makapahinulsol ug magatultol ngadto sa kaluwasan ug dili kini angay basolan. Apan kamatayon ang padulngan sa kasubo nga kalibotanon.” (2 Corinto 7:10)

Unsa man diay ang kasubo nga gikan sa Dios nga magdala kanato sa kinasingkasing nga paghinulsol?

Una sa tanan, angayan natong masayran ang tinuorayng kahimtang sa katawhan, apil na kita. Sa Roma 3:23 nagaingon kini: “Tanan nakasala ug nahilayo sa Dios.” Ug ang silot sa sala kamatayon, sumala sa Roma 6:23.

Kitang tanan diay nagaungaw na sa kamatayon gumikan sa sala. Mao kini kahimtang nga angayan natong ikasubo ug ikabalaka. Mao kini dakong hinungdan nga angayan gayod kitang maghinulsol.

Mao ra kini bugtong paagi aron mapasaylo kita sa atong mga sala ug makabaton ug higayon nga mapaduol sa Ginoo.

Gumikan sa sala layo kita kaayo sa Dios. Makahunahuna lang kita sa Ginoo kon anaa na kita sa kalisod; labi na kong gitakboyan na kita'g sakit nga makatalagmanon; ug di ba kaha

wala na kita'y kapaingnan, walay mautangan, walay maduolan, ug uban pang kalisdanang wala damhang moabot sa dagan sa panahon. Unya matingala kita nga ang Ginoo nagpakabuta-bungol sa atong mga pangaliyupo. Ngano kaha?

Paminawa: “Ang kamot sa Ginoo dili mubo nga dili Siya makaluwas, ni bungol ang Iyang dalunggan nga dili Siya makadungog, ang inyong mga kalapasan maoy nagpataliwala kaninyo ug sa Dios, ug ang inyong mga sala maoy hinungdan sa Iyang pagpahilayo aron dili siya makadungog kaninyo”. (Isaias 59:1-2)

Ang lunsayng paghinulsol magdala kanato sa dalan nga matarong. Talikdan ang mga sala, ug sugdan ang kinabuhi nga nauyon sa mga kasugoan sa Dios. Gihatagan kita ug higayon nga makalingkawas sa nagaungaw nga kamatayon. Gibuhis ni Cristo ang Iyang kinabuhi alang sa atong kaluwasan.

Nasayod ka ba kon unsa ka dakong peligro ang gisuong ni Cristo alang sa atong kaluwasan? Paminaw kang Pablo: “Angayan ninyong batonan ang hunahuna nga gibatonan ni Cristo Jesus nga mao kini: Diha Niya kanunay ang kinaiya gayod sa Dios, apan wala siya maghunahuna pagpakigtupong sa Dios pinaagi sa kusog. Kondili sa Iyang kaugalingong kabubut-on Iya kining gibiyaan. Ug gisul-ob Niya ang kinaiya sa usa ka sulugoon. Natawo siya sama kanato ug nakita siya ingon nga tawo; Nagpaubos Siya ug

nagmasinugtanon hangtod sa kamatayon—ang Iyang kamatayon sa krus.” (Filipos 2:5-8)

Unsa kaha kon si Cristo nasayop ug nagkasala sulod sa panahon nga siya tawo? Sama kanato kamatayon usab ang Iyang dangatan. Mawad-an na kita'g Manluluwas. Dili na usab makabalik si Cristo sa kanhi Niyang estado nga usa ka Dios.

Lisod tukibon ang kakuyaw nga giako ni Cristo alang sa atong kaluwasan. Butang nga angayan natong suklian ug dakong importansya!

Busa ang paghinulsol dili lang ordinaryong kasub-anan, kondili pagbag-o sa pamatasan sigon sa mga pamaaging gilatid sa Biblia.

Pagtuo kang Jesus ug paghinulsol ang unang lakang sa pagpabautismo.

Sumala sa mga gisaysay na, dali masabtan nganong dili pa angayan bunyagan ang mga batang walay kabangkaagan.

Ngano man? Wala pa sila masayod kon unsay ilang paghinulsolan. Nangihanglan pa sila'g hipnong paghunahuna usa' pa magdesisyon aron mabautismohan. Ang bag-ong gipanganak wala pay kaugalingong panghunahuna—dili makapanghinulsol!

Daghan kita'g gituohan nga angayan repasohon kay dili mosibo sa lohica ug sentido komon! Panahon na nga hunahunaon ug maayo kay ang kaluwasan dili angay dula-

dulaan lamang.

Nganong ilusbog ang tibuok lawas Pagbautismo

Ato nang nahibaloan sa naunang mga pahayag nga kinahanglan ilusbog o ipaunlod ang tibuok lawas sa tubig kon ang magpabunyag. Busa nanginahanglan kini'g daghang tubig sama suba, sapa ug di ba kaha pina-kaminus bathtub.

Unsa ma'y hinungdan sa maong tulumanon o rituwal? May mahinungdanon ba kining kahulogan? Dako kini kaayo'g simbolong gipaila sumala sa tin-aw nga pahayag ni Pablo, ania:

“Kaniadto, buhi ako sa wala pay kasugoan, apan sa diha nay kasugoan mitungha ang sala ug namatay ako. Ug ang kasugoan kansang tuyo mao ang paghatag ug kinabuhi nahimo hinoon nga hinungdan sa akong kamatayon. Kay ang sala nakahigayon man paglimbong kanako pinaagi sa kasugoan; ug pinaagi sa kasugoan gipatay ako sa sala. Busa, ang balaod balaan ug ang kasugoan balaan usab, matarong ug maayo.” (Roma 7:9-12)

Ang kanhing pagkatawo nga sad-an kinahanglan mamatay ug ilubong. Mao kini gihulagway sa paglusbog sa tubig.

Ang iyang paghaw-as gikan sa tubig nagsimbolo sa iyang pagkabanhaw nga usa na ka bag-ong binuhat. Wala na siya kupti sa

gahom sa kamatayon kay nasakop na man siya ubos sa grasya sa Ginoo. Napasaylo na siya. Gihugasan ang iyang mga sala. Gibanlas sa tubig ang kahugaw sa iyang lawas nga mao ang mga sala. Mipatigbabaw siya sa tubig nga usa na ka bag-ong tawo nga nahinloan na.

Ang paghaw-as gikan sa lubnganang tubig, naghulagway usab kini sa pagkabanhaw diin pagasugdan ang bag-ong kinabuhi ubos sa pagdumala ni Cristo. Sukad niini maglakaw na siya sa dalan nga gidan-agan sa mga pulong sa Dios.

Dugang ni Pablo: “Nasayod ba kamo nga sa pagbunyang kanato nahiusa kita kang Cristo Jesus, busa nahiusa kita sa Iyang kamatayon. Tungod niini, gilubong kita uban Kaniya ug miambit sa Iyang kamatayon, aron ingon nga si Cristo gibanhaw sa mahimayaong gahom sa Amahan, kita usab magpuyo sa bag-ong kinabuhi. Kay kon nahiusa kita kaniya sa Iyang pagkamatay, mahiusa usab kita kaniya kon banhawon na kita ingon Kaniya. Kay nasayod kita nga ang atong daan ug makasasala nga kinaiya gilansang na uban kang Cristo aron malaglag kini, ug dili na kita magpaulipon pa sa sala.” (Roma 6:3-6)

Atong sublion. Ang pagbunyang naghulagway sa tulo ka importanteng elemento sa plano sa Ginoo sa mga magtutuo. Gihulagway niini ang paglubong, paghugas ug pagkabanhaw.

Matud ni Pablo: “Kay sa pagbunyang kaninyo gilubong kamo uban ni Cristo, ug sa

pagbunyag ninyo gibanhaw kamo uban kang Cristo..." (Colosas 2:12)

Si Saul (nga giilisan sa ngalang Pablo) giingnan ni Ananias, "bangon, pabautismo ug mahugasan ang imong mga sala." (Mga Buhat 22:16)

Karon, nakita na ba nimo ngano nga ang kumpletong paglusbog (complete immersion) sa daghang tubig mao lang ang insaktong paagi sa pagbautismo?

Ang pagbautismo pinaagi sa pagpisikpisik lang ug dyotayng tubig sa ulo, pareho lang sa naglubong ug minatay nga gitabonan lang ug usa ka pala nga yuta ang ulo! Delikado! Dako kaayo kanang tulubagon, dili lang gikan sa mga sepulturero, kondili hasta usab sa taga municipio!

Ikaduhang Pagpabautismo

Ang pagpamunyang ni Juan Bautista pinasikad sa paghinulsol lamang. Busa ang iyang mga tinun-an gibautismohan pag-usab ni Pablo. "Samtang didto si Apolos sa Corinto, mitadlas si Pablo sa lalawigan ug miabot sa Efeso. Didto gikahibalag ang pipila ka mga tinun-an, ug sila gipangutana niya, 'Nakadawat ba kamo sa Espiritu Santo sa dihang mituo kamo?

Sila mitubag,' Wala gani kami kahibalo kon dunay Espiritu Santo.' Unya si Pablo nangutana kanila, 'Unsa man diayng matanga

sa bunyag ang inyong nadawat?' 'Ang bunyag ni Juan', mitubag sila.

Unya si Pablo miingon, "Ang bunyag ni Juan alang lamang niadtong naghinulsol; ug iyang gitudloan ang katawhan sa Israel nga kinahanglan motuo sila niadtong moanhi sunod kaniya nga mao si Jesus." Sa pagkadungog nila niini, gibunyagan sila sa ngalan ni Ginoong Jesus. Sa dihang gipandongan sila ni Pablo sa iyang kamot, mikunsad kanila ang Espiritu Santo." (Mga Buhat 19:1-6)

Mahinungdanon kining bahina kay ang Espiritu Santo maoy instrumento aron ang usa ka Cristiano mahingpit ang iyang pagkaanak sa Dios. Kini lang ang sambog nga naglambigit sa relasyon sa usa ka Cristiano ngadto kang Cristo ug sa Dios Amahan.

Ang Katuyoan sa Espiritu Santo

Kadaghanan nag-angkon nga sila kuno Cristiano. Apan kadaghanan wala magkasinabtanay sa ilang mga gikuptang tradisyon ug mga doktrina.

Busa, dili ikatangala nga mangutana kita: Si Cristo ba nagkabahinbahin? Nagusab-usab ba ang iyang mga gitudlo?

Tubag ni Pablo: "Ang mga gasa Niya mao nga ang uban gihimo niyang apostoles, ang uban propeta, ang uban ebanghelista, ang uban pastor ug magtutudlo. Gihimo Niya kini aron

pag-andam sa tibuok katawhan sa Dios alang sa buluhaton sa Cristohanong pag-alagad, aron motubo ang lawas ni Cristo. Ug magkahiusa kitang tanan sa pagtuo ug sa atong kahibalo mahitungod sa Anak sa Dios. Unya mahingkod kita ingon sa kahingkod ni Cristo. Dili na unya kita sama sa mga bata nga maanod-anod sa balod, ug mapadpad ngadtonganhi sa nagbalibali nga hangin sa pagtulunan sa malimbongong mga tawo nga magpasalaag sa uban pinaagi sa mga tanghaga nga ilang minugna.” (Efeso 4:11-14)

Anaa, dili angayan magkasumpaki ang mga magtutuo ni Cristo sumala sa mga pahayag ni Pablo. Iya usab kining gihatagan ug dugang pagpatin-aw sa 1 Corinto 1:10-13, diin iyang gipahinumduman ang mga Cristiano sa Corinto nga dili angayang magbahinbahin kay si Cristo lang ang sumbanan sa kamatuoran.

Ang Matuod nga Cristiano

Karon, mangutana kita, unsa may timailhan sa usa ka matuod nga Cristiano? Mahibaloan ba kini sa mga pahayag sa Biblia? Tan-awa: “Kadtong walay Espiritu ni Cristo, dili Iya ni Cristo. Ug ang tanang gimandoan sa Espiritu Sa Dios, mga anak sa Dios.” (Roma 8:9,14) Anaa ang klarong pahayag!

Dili iya ni Cristo ang walay Espiritu nga anaa usab kang Cristo—ang Espiritu Santo! Sa laktod pagkasulti dili Cristiano kon wala makadawat sa gasa nga Espiritu Santo.

Ang Espiritu Santo nga gisaad sa Dios human ka bunyagi maoy kasegurohan nga ikaw duna nay relasyon sa matuod nga Dios. Puwede mo na siyang tawgon ug Amahan.

Tan-awa: “Kay ang Espiritu nga gihatag sa Dios kaninyo dili maghimo kaninyong ulipon aron mahadlok kamo; hinunoa, ang maong Espiritu maghimo kaninyo nga anak sa Dios. Tungod niini, makasangpit na kita sa Dios sa pag-ingon 'Amahan Ko!' Ug sanglit mga anak na man kita Niya, makapanag-iya kita sa panalangin nga gitagana sa Dios sa iyang katawhan. Dugang pa niana, mahimo kitang masigkamanununod ni Cristo sa tanang gitagana sa Dios Kaniya; kay kon makig-ambit kita sa Iyang pag-antos makaambit usab kita sa iyang himaya.” (Roma 8:15-17)

Labaw sa tanan, ang Espiritu Santo maoy hingpit nga garantiya nga ikaw pagabanhawon sa usa ka kinabuhing walay kamatayon, maingon usab nga si Cristo gibanhaw gumikan niini.

Lisod katuohan, pero ang pulong sa Dios timos ang pasalig. Busa basaha: “Kon ang Espiritu Kaniya nga nagbanhaw kang Cristo nagapuyo kanimo, Siya nga nagbanhaw kang Cristo gikan sa kamatayon, mao usa'y maghatag kanimo'g kinabuhi nga walay kamatayon pinaagi sa Espiritu Niya nga anaa kanimo.” (Roma 8:11)

Dinhi imong makita unsa ka importante ang paghinulsol, pagpabautismo, ug labaw sa

tanang ang pagkadawat sa gasa sa Espiritu Santo.

Gawas pa niana, ang Espiritu Santo maoy maghatag ug kahayag sa mga butang nga langitnon nga gikonsiderang tanghaga sa kadaghanan. Mga kaalam nga gitratar na lang nga misteryo tungod gumikan sa pagsalikway sa mga pulong sa Dios nga gipadayag sa Biblia. Paminaw: “Apan gipadayag kanato sa Dios ang Iyang tinago pinaagi sa Iyang Espiritu. Ang Espiritu nagsusi sa tanang mga butang, bisan niadtong labing natago nga mga katuyoan sa Dios. Walay laing nasayod sa mga hunahuna sa usa ka tawo gawas sa iyang kaugalingong espiritu, ingon nga ang Espiritu sa Dios lamang ang nasayod sa tanang mahitungod sa Dios. Wala nato dawata and espiritu niining kalibotana, kondili ang Espiritu nga gipadala sa Dios aron atong mahibaw-an ang tanang mga gihatag sa Dios kanato.” (1 Corinto 2:10-12)

Pipila lang kana sa mga benepisyos nga gidulot sa gahom sa Espiritu Santo. Apan igo na kining makahatag ug dakong kadasig sa buot magpailawom sa Diosnong kinabuhi.

Gusto mo bang mahingpit ang imong relasyon sa Dios? Panahon na nga maghunahuna pagpabautismo, kay ang Dios adunay gitaganang ganti nga malaomon usab nga gihulat sa tanang nagsunod Kaniya. “Kay gantihan sa Dios ang tagsatagsa sumala sa iyang binuhatan. May mga tawo nga

nagpadayon pagbuhat ug maayo ug nagtinguha sa himaya, sa kadungganan, ug sa kinabuhing walay kataposan, hatagan sila sa Dios ug kinabuhing dayon.” (Roma 2:6-7)

Ang pagpabautismo maoy unang lakang paingon sa kaluwasan. Segurohon lang nga tukma kini sa paaging gilatid na sa mga pulong sa Dios.

Hinigalang Pahinumdom

Hinumdomi ang mensahe ni Apostol Pedro: “Ang tagsatagsa kaninyo kinahanglan maghinulsol ug magpabunyag sa ngalan ni Jesu-Cristo aron pasayloon ang inyong mga sala, ug madawat ninyo ang gasa sa Espiritu Santo.” (Buhat 2:37-38)

Dili lalim ang magpailawom sa usa ka tinoohan. Imo kining gahinan ug panahon, katigayonan ug uban pang mga sakripisyo. Busa, kinahanglan segurohon nga ang atong gitoohan nauyon sa mga kasugoan sa buhing Dios nga nakasulat na sa Biblia.

The Church of God International
Meeting Places

Manila

6th Floor, Peaksun Bldg.
Princeton St.
Mandaluyong City
Saturdays, 2 p.m.

Naga

New Crown Hotel
Elias Angeles cor.
P. Burgos St.
2nd-5th Saturdays
10 a.m.

Alabang

Crimson Hotel
Entrata Urban Complex
Filinvest City
2609 Civic Drive
Muntinlupa City
Saturdays, 2 p.m.

Cebu

Rajah Park Hotel
Fuente Osmeña Circle
Cebu City
1st Saturday of the Month
10 a.m. - 2 p.m.
0920-2626413

Malolos

Hiyas ng Bulacan
Convention Center
Malolos City
Saturdays, 2 p.m.

Mindanao

Alzon's Palace, Maranding
Lala, Lanao del Norte
Saturdays 10 a.m.
Rogen Francisco
0935-2039729

Iloilo City

Iloilo Midtown Hotel
Yulo St.
Saturdays, 2 p.m.

Brgy. Kiara, Don Carlos
Bukidnon
Saturdays 10 a.m.
Dirick Huradas
0935-6734803

Masbate City

Brgy. Vito, Sagay
Negros Occidental
Saturdays, 2 p.m.

For Further Information

If you would like to visit a CGI congregation, or if you would like to speak with a CGI minister or representative with any questions you may have, feel free to write or call us. We will be delighted to serve you in any way possible.

United States:
Church of God International
P.O. Box 2525
Tyler, TX 75710
(903) 825-2525

Canada:
Church of God International, Canadian Office
121-525 Highland Rd. W.
Kitchener, ON N2M 5P4

Australia:
Church of God International
P.O. Box 171
Boonah, Qind 4310

Philippines:
Church of God International
Makati Central P.O. Box 2450
1264 Makati City, Philippines
Tel: (632) 995-0294
Tel/Fax: (632) 995-0577
Cel: 0917-8116365



This booklet is a free educational service
in the public interest, published by

Ang Iglesia sa Dios Internasyonal adunay mga ministro ug representante nga andam makig-istorya ug mag-alagad kaninyo. Kon aduna kamo'y kinahanglan nga masayran mahitungod sa mga butang espirituwal, magpahibalo lang aron magahinan kamo ug panahon aron pagsilbihan.

MGA BASAHON NGA LIBRENG MAINYO:

- Ang Imong Kapalaran
- Gihinloan na ba ang mga Pagkaong Gidili sa Karaang Tugon?
- Kanus-a Nabanhaw si Jesus?
- Katapusan na ba ang Kamatayon?
- Unsa Man ang Tawo?

I-TEXT lang ang ngalan ug kumpletong address sa
0920-2626413 • 0917-8116365

God's Annual Holy Days

	Passover	Feast of Unleavened Bread	Pentecost	Feast of Trumpets
2019	April 19	April 20-26	June 9	Sept. 30
2020	April 8	April 9-15	May 31	Sept. 19
2021	March 27	March 28- April 3	May 16	Sept. 7
2022	April 15	April 16-22	June 5	Sept. 26
2023	April 5	April 6-12	May 28	Sept. 16
2024	April 22	April 23-29	June 16	Oct. 3
2025	April 12	April 13-19	June 1	Sept. 23
2026	April 1	April 2-8	May 24	Sept. 12
	Day of Atonement	Feast of Tabernacles	Last Great Day	
2019	Oct. 9	Oct. 14-20	Oct. 21	
2020	Sept. 28	Oct. 3-9	Oct. 10	
2021	Sept. 16	Sept. 21-27	Sept. 28	
2022	Oct. 5	Oct. 10-16	Oct. 17	
2023	Sept. 25	Sept. 30 - Oct. 6	Oct. 7	
2024	Oct. 12	Oct. 17-30	Oct. 24	
2025	Oct. 2	Oct. 7-13	Oct. 14	
2026	Sept. 21	Sept. 26 - Oct. 2	Oct. 3	

You can download free literatures in PDF format. You can also download our new phone, tablet, and television app, CGI Digital Network. This app is packed with powerful content and resources to help you grow in grace and knowledge. Just visit our website cgiphils.org.

You can also check our Youtube channel, The Church of God International, Philippines. It includes sermons, sermonettes or Bible studies presented by ministers and leadership graduates from CGI Philippines.



8F Unit H, IBM Plaza, Eastwood City, E. Rodriguez Jr. Ave.,
Bagumbayan, Quezon City, MM Philippines 1110

Makati Central P. O. Box 2450, Makati City, MM, Philippines 1264
Tel/Fax: 995-0577, Tel: 995-0294, Cell: 09178116365

Internet Address: www.cgiphils.org
Email Address: cgiphils@yahoo.com